


# ACIMBI BUYO CIINDI, MWAMI

 [Mbunga yaimba, *Syoma buyo*—Mul.] Atu kotamike mitwe yesu lino. A mitwe yesu kiikoteme a myoyo yesu kiikoteme kumbele lya Leza, kujala kwa muswaangano oyu mupati, jubbili eyo njo twa kajisi awa, a koonse ku Ijwi lya Mwami, Nda libuzya, sunumasiku, ikuti na myoyo yesu taili mukubbotoka buyo nkambo ka cintucimwi kuzwa kuli Leza. Ikuti na mbo cibede, atu tambike buyo maanza esu kuli Nguwe, a kwaamba, koamba buyo kuti, “Eyi nje nkumbizyo yangu, Mwami. Yebo ulizi.”

<sup>2</sup> Taata wesu Wakujulu, langa ansi lino aa maanza esu. Alo maanza mujulu, aamba kuti twapa koonse kwesu kuli Nduwe. Yebo ulizi eco nco tu bulide, Taata, alimwi twa komba kuti Uyo pa kubula kwesu. Ziindizimwi kuyanda kwesu kulaindilila ku kubula kwesu. Pele, Taata, Ko tupa kubula kwesu, nkaambo inga twa lomba ezyo a Lusyomo. Wa kasyomezya kuti Uyo cicita. Mu Zina lya Jesu Kristo, Nda cilomba. Amen. Amen.

Lino amu kkale.

<sup>3</sup> Ku Mukwesu Moore, a Mucizi Moore, Mukwesu Brown a bakwe, Mukwesu Lyle, Mukwesu Boutliere, a boonse aba bantu babotu okuno iba mbungano, basyomesi, bamadaikona, kufumbwa mbobanga baba, Ndili lumbide ncobeni ku ciindi eci a ciindi cibotu eco Nce kajisi mukuba kokuno. Aba basikutalisya bapati baka njila muno myaka yakainda, a tubeela twa mapepa kungsi lya bbusu lyabo, alimwi bakapa kusoleka kutuulidwe kwakuta liyanda ku kuleta busena obu bwakukombela okuno, a bantu aba. Ndi yeeya kuti Shreveport uli sumpukide loko ku muntu mbuli Jack Moore a bantu aba mbuli obu awa. Kusoleka kwakuta liyanda kutakatalwi, ba kasola kubamba busena oko Mumuni wa Leza a Buumi bwa Leza, nko bukozya kuya ku bantu abo bali mbaalumi a banakazi basikweendauka, abo baswaya akubotelwa kuswaangana. Akube bwiime kwa ciindi cilamfu, ku kuboola kwa Mwami Jesu, kusikila Aka manizye ambubo.

<sup>4</sup> Elyo Nda botelwa kapati kubungana, kuvwiila kwanu kubotu ku i—ku mulimo, ku Milumbe. Alimwi zintu zipati Leza nzya katucitila, zita goli ncobeni. Alimwi ta tukazibi nco cakaamba kusikila tuka zabukile ku lubazu lumbi, nkaambo mbuto ya byalwa eyo iyo boola ku buumi mu mazuba kumbele lyesu. Elyo banji baka ponesegwa, antela ku kaindi aka tabazi cintu kujatikizya ncico, kwainda kaindi muyo jana kuti caunka. Elyo tu jana kuti kunji loko, tacili buyo eco nco bona cacitika; yebo tozyi eco ciyo citika, eco ciyo citika, mbuli micelo ya ncico. Elyo Ndi syoma kuti ta—ta kukabi bantu bakompeme abo bayo

siya muswaangano oyu, pele eco ncoba jisi lusyomo lukubwene lwa kuziba kuti mulimo waka citwa, nkabela uyooba kabotu.

<sup>5</sup> Kuli baabo batambika maanza abo kuli Kristo, ku lubbizyo lwa Muuya Uusalala, a zintu zinji, alimwi i—i milimo ya luzyalo eyo njo kayanda Leza kubeleka a nduwe, Ndi syoma buyo kuti umwi aumwi wanu inga wazulwa Muuya Uusalala, umwi aumwi. Muta lubi Mulumbe wangu, aa, *I Citondezyo*. Mweelede kukkala a ceeco. Amuyeeye, amutondezye Citondezyo.

<sup>6</sup> Lino tweelede kuzwa cakufwambaana kuyaku Arizona, a Yuma, a Phoenix. Elyo mpawo tuno jokede kwinda ku Musanza okuno. Ta ndizyi bwini makani abweende bwa nyendo, obo mboibede. Pele tu nooli kokuno, Ndi yeeya kuti, mu Louisiana alubo, antoomwe kujatikizya Mulumi, abusena bumwi awa mu Louisiana, a Dallas. Elyo kuyabuya mukati, omuya mu Georgia, kumusanza muli ceeco okuya, elyo mpawo ku Florida. Elyo mpawo tweelede kuunka ku Europe kuzwa awo, kusikila Gandapati. Elyo mpawo twa jokela okuno, kwiinda mu Kunkumunamasamu a akati ka Iwvivwi. Elyo mpawo kujokela, kulaale kungsi lya nyika, ku South America...kutali South America, South Africa. Elyo ku buzuba bwabili bwa Itwi, oyu uboola 1964 Mwami nawayanda, twa talika mu—mu Durban, South Africa, oko nko twa kabona bantu bali zyuulu zili makumi otatwe bakasika ku Mwami, ciindi comwe. Mukwesu Julius Stadskev ukkede awa, wakali ku muswaangano ku ciindi eco. Ndi yeeya kuti cili luleme.

<sup>7</sup> Elyo Nda yeeyela Mukwesu Julius waka zibisigwa, mwaalumi oyo wakalemba bbuku lya *I Musinsimi Waswaya South Africa*. Ndi jisi...Mucizi Stadskev, taakwe kuzumbauzya, uli waano abusena bumwi. Nse—Nse konzyi kumu bikka buyo...inzya, iyyi, lino Nda cita, alimwi i—i bana. Nda yeeya, myaka misyoonto yainda, Minneapolis, bakali bana baniini loko; lino Nde elede kubalanga, balo mulombe mupati a musimbi.

<sup>8</sup> Mucizi Stadskev okuno, kutali ciindi cilamfu cainda, oyo waka jisi moyo wangu kaulunguluka koonse, mutumbu muniini, waa ka sweekelwa muvwanda wakwe. Elyo Mwami wakali... kabona kweelela ku cigwisya. Elyo waa kandi tumina, alimwi waa kali kuyanda...Ba kali kuyanda kuti nduulukile mu ndeke kuya okuya ku Germany. Alimwi dokotela wakali sibuuza loko kulindila, kulekela muvwanda kulala alya. Muntu muniini wakafwa mpoonya awo, muyandwa muniini, musimbi uuzwide koonse. Elyo Mucizi Stadskev waka fwidwa banyina, nkabela waa kali nyongene kapati. Oyu muvwanda nconzyo wakajana bubotu loko kuli nguwe. Elyo waa kasika ku fooni, musinzo mulamfu kuzwa ku Germany, alimwi wakali kuyanda kuuluka kuya. Elyo Nda kati, “Mucizi Stadskev...”

<sup>9</sup> Waa ka lyambilila lusyomo lwakwe, kuti wa kasyoma

kuti Mwami Jesu waka nditumina ku mulimo mu mazuba aakumamanino, elyo mbuli bumboni busyomeka kuti taakwe umwi ukonzya kupa, alimwi waa kacikanzila amoyo wakwe onse. Waa kabona Mwami Leza kacita zintu zili boobo mbuli ezyo, kubusya bafu nibakamana kufwa. Pele, nywebo mwabona, ncobeni ula, mbubonya mbuli Mbwe...Obo, ino mbulemu bwakali nooba kuli Leza, mu Germany a zintuzyonse! Ikuti ni Nda konzya kucicita, lwangu, ni Nda kacicita. Pele, cintu citaanzi, ta tweelede kuunka kusikila twa ziba eco nco tuyo cita.

<sup>10</sup> Aboobo Nda kaunka kubusena kuyo komba. Elyo Ndi yeeya kuti waa kakkala aa cibeela ca fooni ica ciindi, masiku onse. Elyo buzuba bwakatobela Nda kanjila, kwakanyina cintu. Alubo Meda wakati, mukaintu wangu, kati, “Mucizi Stadskev wakaita kobile. Kufumbwa ijwi kuzwa ku Mwami?”

Nda kati, “Kutali cintu.” Elyo Nda kati . . .

<sup>11</sup> Ee, Nda kazwa, kukomba alimwi. Nda kali mu zisaka masiku ayo. Mpawo, mubwini, muvwanda muniini wa keelede kumamela. Elyo mpoonya awo Ne kali kunjila, Mwami Jesu, cilengaano cakauma, ka ciimvwi kumbele lyangu. Elyo Nda kamvwa jwi Lyakwe kaliti, “Uta tapatili eco. Eelyo ndi janza lya Mwami.” Aboobo Nda kaziba mpawo kuti Leza, ku kaambo kamwi, waka mubwezede muvwanda wakwe ku Bulemu, alimwi cakali kulwana luyando lwa Mwami kuli ndime kwaamba cintu cili coonse ciimpene kuli ncico.

<sup>12</sup> Elyo mpawo Nda kayeeya, “Ee, oko kuyooba kulekelezya kupati. Pele cintu comwe Nce kacita, Nda kalanganya Mwami. Nda kacita eco Nca kandaambila.”

<sup>13</sup> Okuno kutali ciindi cilamfu cainda, Ndi jisi lugwalo kuzwa ku mukutausi okuya, elyo wa kabamba twaambo kwiinda ku bakutausi bamwi bambi. Wa kati, “I umwi. . .” Elyo wa kali, Ndi yeeya kuti, kwayanda wakali muna Lutherani bana German. Nseli masimpe. Pele wa kati, “Kuli cintu comwe eco Nce konzya kunyomenena kujatikizya Mukwesu Branham. Cindi kubotelwa konse nikwakali kucitika, wa kakkala cakutonkomana mane wakajana muzezo uusoelokede uzwa kuli Leza, mpawo wa kalizi eco ncakali kucita.”

<sup>14</sup> Elyo nje nzila ilikke njo konzya kucita zintu ezyo, nku saanguna kumvwa kuzwa ku Mwami, cindi Na amba. Ikuti na Wa ndaambila, sunumasiku, kuti kwiinka kutala okuya a kuyo busya kuzwa ku namaumbwe ayo, Muleli Kennedy, Inga ndatamba nyika yoonse kuboola, ku cilangilila kacicitwa, nkambo inga Ndaba a MBUBOBU MBWAAMBA I MWAMI. Mwabona? Lino, pele mbobuti mbo Ndi konzya kwaamba kati, “MBUBOBU MBWAAMBA I MWAMI,” kusikila Mwami waamba boobu? Mwabona? Mwabona?

<sup>15</sup> Ziindi zinji, bantu bala botelwa konse a kuba kungsi lya bube a zintu mbuli ezyo, a ceeco cibotu maningi ca ku boongo

bwabo ncobu konzya kuyeeye. Eco taciluleme lyoonse. Lindila mane Akwa ambile, nkabela uyo ciziba, mpawo ujisi ncico cini. To elede kuyeeyela makani ancico. Wa ka kwaambila kuti, ngu MBUBOBU MBWAAMBA I MWAMI. Mpawo Wa kakwaambila, nkokuti inga waunka kuyo amba eco Nca kaamba. Kusikila mpawo, inga waunka a kucita zintuzyonse nzo konzya, kocita eco ncokonzya lwako, pele tokonzyi kuba masimpe kusikila Leza wakaamba boobo. Mpawo uli kasimpe ncobeni.

<sup>16</sup> Aa teepu ya *Ino Nciindi Nzi, Baalumi?* Bunji bwanu muli jisi teepu, mwabona. Nda kakonzya ku kananina Mitabi a kuli konse kumbi, a kuti, “Ngu MBUBOBU MBWAAMBA I MWAMI. Ndiyo swaana Baangelo bali ciloba. Elyo ciyo zibwa, masi koonse, mwabona. Elyo cintucimwi cilibambila ku citika, nkambo Wa ka ndaambila.” Nceeco mbo cakabede, mwabona, myeezi buyo yotatwe kumane. Mwabona? Elyo zintu ezi zyoonse zimbi, cindi wa . . . Cindi Mwami na kacaamba, ceelede kucitika.

<sup>17</sup> Ako nkekaambo Nce zyi kuti Ijwi Lyakwe lili londokede. Takukwe makani eco bantu ncoba yeeya kujatikizya Ndilyo, Ndi Ijwi Iya Leza. [Mukwesu Branham waumauma Bbaibbele lyakwe—Mul.] *Mbo* mbubo, ngu MBUBOBU MBWAAMBA I MWAMI. Mwabona, eco, alimwi tu lizi kuti obo mbwini.

<sup>18</sup> Jesu ulaboola. Lili? Ta ndizi. Ino nciimo nzi, mbobuti Mbwa yoboola? Ndi jisi muzeezo, pele Ta—Ta ndiziyi pe. Cili lembedwe mukati *Awa*, Wa kati, “Mebo, ikuti na Nda tolwa kujulu,” inga Uyo kwela bantu boonse kuli Nguwe, elyo inga Uyo boola alimwi. Ndi lizi kuti Ula boola. Oh, obo mbwini. Alimwi tacikwe makani kuli ndime cindi mbo cibede. Mwabona? Ikuti na ngo sunumasiku, na ikuti ngo mwaka uboola, na ikuti ngo myaka ili cuulu kuzwa eno, kutegwa Wa boola! Ndi jisi Buumi Butamani. Nse ka cemaali, Njo ba kookuya cindi Aku boola. Kwa mana. Eco ngu, mwabona, tacikwe makani kuli ndime cindi, nzila, eyo nzila Nja cicita, obo buyo Ndili okuya!

<sup>19</sup> Elyo Wa kandi syomezya kuti Ndi yooba okuya, alimwi Wa kandipa kale Buumi Butamani, nkaambo Wa kati, “Oyo ukonzya kutambula Majwi Angu a kusyoma ali Nguwe waka Ndi tuma, uli jisi Buumi Butamani; alimwi taka booli ku lubeta, pele wazwa ku lufu kuya ku Buumi.” Eco ncibotu kwini kuli ndime. Mpoonya awo, eco ncimaninizyo cangu. Eco ncimaninizyo cangu. Wa kacisyomezya. Kwiina nzila kuli ncico ya kusola kukakilwa. Ta cikonziyi kukakilwa, alakwe Leza takonziyi kukakilwa. Alimwi nciyumu kapati kuli Leza kukakilwa. Eco nce cintu comwe Leza nca takonziyi kucita, kukakilwa. Ta konzyi kukakilwa. Sa tamu kkomene kuli ceeco? [Mbunga yaamba, “Ameni.”—Mul.] Oh, ma!

<sup>20</sup> Cindi Nda talika kubona myaka kiikulauka, elyo—elyo kutalika kubona miswaangano yobilo na yotatwe mu buzuba,

kutalika kundi bamba kukatala aniini, owo mpo catakali kundi penzya. Pele mpawo Ndi yeeya kuti, “Ee, ino cibamba lwandaano nzi?”

<sup>21</sup> Ndi yanda ku mubuzya cintucimwi, Tuli buyo bantu bang’anda, aboobo Ndi yanda. Ino kuti uli myaka ili makumi ali lusele yakukomena sunumasiku, na uli myaka ili kkumi ayosanwe yakukomena sunumasiku? Ikuti na uli myaka ili makumi ali lusele yakukomena, nkabela uyo pona mane ciindi eci juunza masiku, muyo pona kwiinda bana banji, banji ba myaka ili kkumi acisambomwe. Sena mwakasola kuyeeya ceeco? Uyo cita ncobeni. Uli waano ku bukanze, ku kubelekela Leza. Aboobo ndwandaano nzi, kukomena kuli nduwe? Komu belekela buyo Leza.

<sup>22</sup> Ikuti na Leza waboola kuli ndime a kwaamba, “Ndi yanda kuti kamuya ku nyika,” elyo—elyo Nda kali kutala kuya nkabela Wa kati, “koya ku nyika, Ndiyo kupa myaka iili mwaanda ya luzibo, pele Ndi yanda kuti kamutolela myaka yanu—yanu. Njiili myaka njo yanda kutola, mitaanzi ili makumi obile ayosanwe, yabili ili makumi obilo ayosanwe, yatatu ya makumi obili ayosanwe, na ya mamanino iya makumi obilo ayosanwe?”

<sup>23</sup> Ino inga Nda tyeni? Ee, ikuti na Ndiya kubikka ciindi cangu kuba kookuno, oh, sikuuma bbola na sikuzundana kubalika, na cintucimwi, ncibotu Nda bweza makumi obilo ayosanwe mitaanzi. Ikuti na Ndi yooba kuno kuyooba mubezi wamapulanga, na muntu umwi mbuli oyo, ee, ncibotu Nda bweza makumi obile ayosanwe yabili. Pele ikuti na Ndi yanda kubelekela Mwami, Njo bweza myaka ya mamanino ili makumi obilo ayosanwe, kuzwa ku makumi ali ciloba kusika kuli ili myaanda, nkaambo, Nda kajisi kuvula kwa luzibo olo lunji, Ndi lizi kunji kujatikizya ndulo. Mwabona? Kufumbwa kuti Nke konzya kwiima ku matende angu obile a kweenda koonse, ino cibamba lwandaano nzi obo Mbwe bedede? Ndili waano kubelekela Mwami, nkabela nce ncico. Ameni. Eco ncibotu kweelela kuli ndime. Wa ka cisyomezya.

<sup>24</sup> Lino Ndi yanda kulumba umwi aumwi wanu, ku luse lwanu. Elyo kusyoma kuti, na Mwami wayanda, kuti—kuti alubo tuyo swaangana kubusena bumwi mu nyika eyi; ikuti na tacikwe ano, tuyo cita ku lubazu lumbi. Elyo Mwami alongezye. Elyo Ndi yanda ku kombela tutambala otu. Kufumbwa buyo twa njila mu Mulumbe, ta tuzi ncobeni eco ciyo citika. Twa kasola kubikka masiku masyoonto mu i. . . otatwe, atandila ku masiku otatwe; masiku osanwe na cisambomwe, ali osanwe, Ndila syoma, i Mwami waka tupa kwiitwa aakati ka bantu, kwa kwiita bantu kuzwa, oko Mwami nkwa konzya kuba ponya. Elyo mpawo twa kajisi busiku bumwi, masiku ainda, twa kaleta bantu boonse abo bakali kuyanda kukombelwa, moonya kwiinda mu mundando wa mipailo a kuba kombela. Elyo Nda kalangila kuti Nse na kakilwa kuli koonse kusola kucita zintuzyonse ezyo Nze zyi nzila

ya kucita, kuli ndiswe kuba mu ciimo cakumuuya cibotu, a ciimo cakunyama, sunumasiku, kwiinda mbo twa kabede cindi ni twa kanjila kuno kutandila masiku one na osanwe ainda. Ikuti na Nda kakilwa, Leza ndijatile, nkabela amundi jatile.

<sup>25</sup> Lino ku Mulumbe wa kujala, alimwi Ndiyo sola kucibamba kufwambaana buyo mbuli mbo kukonzeka, nkaambo Nda—Nda kambauka ciindi cilamfu. Elyo Nda kaambila mbungano yangu, a zimwi, kuti, kutalikila mwaka mutaanzi, Ndiyo sola. Nda kacisola kwa myaka yamamanino ili makumi otatwe ayosanwe, kuzwa ciindi ni Nda kali mu mulimo, kucesya kuzwa ku maora aya obilo, abumwi, kuyaansi ku maminiti ali makumi otatwe. Pele, Nda muka loko, Nse konzyi kwaamba eco Nce yanda kwaamba, mu maminiti ali makumi otatwe, nce cintu cilikke. Ndili muna Musanza, nywebo mulizi, elyo aboobo Nde—Nde elede buyo kucita. Nse konzyi ku ciyeeya kufwambaana loko. Nde elede kulindila a kubona. Nde elede ku Mu lindila, nkambo ka majwi angu. Aboobo, pele Ndi—Ndi. . . kufumbwa buyo kuti Nke konzya ku Mu lindila, elyo ulaba acamba buyo kuli ndime.

<sup>26</sup> Lino atu bale Lugwalo lumwi, kutegwa tu zibe kuti eci ta cikalobi. Elyo twamana kuba a kuswaangana kwesu antoomwe kwa bulongwe a kwaambaula, katutana kuboola ku cibeela eci cisetekene ica kuswaangana, kuleta Cinkwa ca Buumi, atu kombe buyo alubo.

<sup>27</sup> Mwami Jesu, lino tuli lumbide kuli Nduwe. Toonse tunyonena kuli Nduwe, ku Kulumba ku masikati a masiku aya mapati aa kuswaangana, luswaanano ku Ijwi, a bantu. Tuli lumbide, Mwami. Myuuya yesu ya sumpulwa, alimwi tuli lumbide loko kuti twa kali kukonzya ku kkala mu masena Aakujulu a Nduwe. Elyo lino, Taata, aa busiku obu bupati abwa mamanino bwa i—i pobwe lya luyandisyo, akube kuti Wiime akati kesu, alubo sunumasiku, a kulila, “Oyo uufwa nyota, boola kuli Ndime.” Ko cipa, Mwami. Tu lizi kuti Uyo cita, nkaambo Ula cicita. Eyo nje nzila Yako yakucita zintu, alimwi To kaicina. Elyo Nda komba, Leza, kuti Uyo pasaula Cinkwa ca Buumi, kuli ndiswe. Akube kuti tu konzye kutambula Ijwi eelyo mu moyo wesu, elyo liyo jula kasensa ka zileleko kuli ndiswe toonse. Longezya kubala kwa Ijwi, a kundi gwasya mbuli Mbwe sola kumwaya Cinkwa ca Buumi, ku mbunga, kufumbwa kubula mbo kubede. Mu Zina lya Jesu Kristo. Amen.

<sup>28</sup> Atu jule ku—ku Bbuku lya Babetesi, Babeteka ba Israyeli. Elyo Ndi yanda kujula ku cipati ca 16 ica Babetesi, kubala cibeela ca i—ca Ijwi. Babetesi, cipati ca 16, alimwi Ndi yanda kubala kampango ka 27 a 28.

*Lino ng'anda yakazwide baalumi a banakazi; alimwi boonse bami ba Filisiti—ba Filisiti bakaliko; elyo mpaawo kwakali aa ciluli kutandila baalumi a*

*banakazi bali zyuulu zyaratwe, kalanga—kalanga  
kuciindi Samusoni nakali kusobana.*

*Elyo Samusoni wakatumina MWAMI, a kuti, O Mwami  
Leza, kondi yeeya, Nda ku lombwa, aku ndiyumya, Nda  
ku lombwa, lomwe buyo olu, O Mwami, kuti lomwe Ndi  
liye nkoto ku ba Filisiti nkambo ka meso angu.*

<sup>29</sup> Ino nkuboneka kuusisya nsoni! Elyo ciiyo eci ciniini, Ndiyo bweza cibalo kuzwa kuli ncico, ciita: *Acimbi Buyo Ciindi, Mwami*. Acimbi buyo ciindi!

<sup>30</sup> Kweelede kuti bwakali buzuba bupya. Ba kajisi kusekelela kupati. Elyo cindibamba kulimvwa bubi, ziindi zyoonse Nda ciyeeya, nkaambo bupange bwa kusekelela oko kwa bukombi. Nywebo mulizi, kusekelela kuli kabotu, pele cileendelana ku bupange bwa kusekelela. Elyo oku kwakali kusekelela kumwi Nkwe sula nconzyo kutondeka. Kwa kali mu nyika ya ba Filisiti. Elyo bakali kusekelela, ci ndibamba buyo kulimvwa bubi ku caamba, “kuzunda kwiinda ku balanda ba Leza.” Mulanda wa leza uutamvwi waka leta sampu aa Zina Iya Mwami, a kuselemukila mu kuzundwa, elyo ba Filisiti aba bakali kusekelela i—i ciindi cipati ca kuzunda, kuti “kaleza kaswi ka kazunda mulanda wa Jehova.”

<sup>31</sup> Ikuti na eco tacili cibalo cakumanizya muswaangano! Pele Nda limvwa kusololelwa, mbuli Mbweli kulangalanga mu zibalo zili myaanda yosanwe na cisambomwe ezyo Nze kajisi okuya. Meso angu akalokela aa cibalo eci awa, elyo Nda kayeeya, “Ndi syoma kuti Ndiyo ambaula buyo kujatikizya eco kaindi kasyoonto sunu masiku.” Elyo ndiza obo Muuya Uusalala mbo utuyanda kuziba cintucimwi kujatikizya omuno. I... kutandila...

<sup>32</sup> Buzuba bupya, Nda syoma, alimwi zituuzyo zyakali kupya mu mulilo kuzunguluka aka kaleza kanswi kapati, nkabela kwakali ba Filisiti bali zyuulu kabalanga ansi kuli bobile mbuli mbo bakali kunjila bbuwa pati. Kweelede kuti kwakali kulibonya mbuli bowa, nzila mbolya kabambidwe. Mbuli, inga Nda ti, cintucimwi mu bubambe bwa ii—bwa bowa na mbuli bowandyu bwa raundi, yaka dukumana mbuli *boobu*, a mapulasta obilo mapati, na—na minsende, ijatilide buyake bwa bbuwa, mbuli mboli kkala mu ciwa *eci*, ndiza, kutegwa bantu mu buyake obu bwa bbuwa pati baka konzya kulanga ansi ku kusangabalisa kwakali kucitika ansi mu cibuye cipati.

<sup>33</sup> Elyo bami bankondo bakayiide kapati baka janika ku muswaangano oyo, a balindu babo bakasakatidwe ngale zibotu bakali ku muswaangano. Elyo bonse bakaleka cakufwambaana, kuyaama kunembo, kucitika kupati kwakali kutandila kuba. Tuli jisi ziindizimwi, nco twiita kuti, citalisya, ba...alimwi mpawo kuzibya, kaimbo kaniini kazibya ku i—i kucitika kupati. Elyo baka jisi kusangabalisa kunji, mbuli mbo bakacita

ziindizimwi, kutuula a kujaya, azimwi zimbi. Pele lino i—i kucitika kupati kwakali kutandila buyo kucitika, a nkamu eyi yoonse ya basimpuwo babotu, kwa boonse i. . .ba zilawo mu nyika ya Filisiti. Ba kabuka, nkaambo baka jisi ii—ii coolwe. Ba kali kkede nji, muli obu bupati, mbo tukonzya kwiita kuti, mbuli bowa. Elyo antela bacete, a bamwi bambi, bakali kunselelo awa aa i—aa cibuye. Pele baka kkala atala awo mpo bakali kukonzya kujana buboneki bubotu, a kubona kusangabaliswa koonse. Ca kali i—lya kali bbokesi lya mpuwo. Zyuulu zyotatwe zya mbabo! I luwo lwakali kununka zyakunywa, kutafunya kwa coongo cinji buzuba boonse, kunywa akuzwa mate, a kulilemeka bumwi, nzila koongolola kwa bukolwi mbo kukonzya kuba obo. Elyo bonse bakaimikila, nkaambo kucitika—kucitika kupati kwakali kutandila kuba, nkabela ba kayaama. Ba kali kuyanda kujana kulanga kubotu. Tiiba kali kukonzya kwiimpya eci, nkambo oku kwakali kucitika kupati.

<sup>34</sup> Ncinzi ncoba kabona? Ii mulombe muniini kasololela muntu moofu akati ka cibuye, mu kusekelela kaleza ka nswi, Dagoni. I musankwa wakasololela oyu moofu wakali kuligungulila, waka zwide mubili, moofu, ku cikunguzyo, aku mwiimikizya kumbali lya cikunguzyo, kuti asobane.

<sup>35</sup> Aboobo oyu ngu Samusoni, muntu oyo wakali i—i mulanda wa Leza mubotu loko, eno uliimvwi awo, kaubaukide, moofu, wakakompama, isampu. Calo ncifwanikiso ca ii—ca nzyalani itakwe, bulangizi busakene. Calo ncifwanikiso ca—ca ii—ca cisi caka sweekelwa kujatilila a Leza. Calo ncikozyanyo ca mbungano yaka sweekelwa kujatilila kwayo a Ijwi lya Leza, nkaambo eco Samusoni nca kaiminina awa. Wakaubausigwa, wakatyoka, wa kali muciiimo cibyaabi mbuli mbwa kakkede awo, na kaima kuya, mubwini. Aboobo sa inga mwa muyeeyela kaimvwi, oyu muntu mulemu cakuti, ciindi cimwi, eco ncakali kukonzya kucita; elyo awa uliimvwi awa mu ciimo eco, kazundidwe, mbuli Mbwe amba, katyokede, ciiminizyo Nce yanda kulungulula sunumasiku. Eci ciiminizyo ciiminina oora ndilyonya ndyo tupona lino, ciimo ca mbungano lino; katyokede, kuzwa ku Ijwi lya Mwami; kaizundidwe, kuzwa mu busena bwayo. Elyo mubuzyo ula boola, sunu, bulembo buli aa bwaanda alimwi nguni uukonzya kucibala? Taakwe nco bazyi kujatikizya ncico.

<sup>36</sup> Atu bweze a kulingula mizeezo ya ba Filisiti abo. Eli zina ndyoonya lya muntu, Samuson, ku ciindi cimwi, waka citya cisi conse kupenga, kwaamba buyo Samusoni, nkaambo Leza wakali a nguwe. Elyo masi aka kankama nkaambo ka zina lyakwe ndilyonya.

<sup>37</sup> Eyo nje nzila njionya mbo yakali kuba, Zina lya Jesu Kristo, pele lino Lila belesigwa mbuli bbala lya kusinganya, kudana. Taku ciboneki limbi lulemeko kuli Ndilyo. Cindi, eelyo Zina lila atala ku mazina onse a kasola kwaambwa ku milaka ya



muntu ufwika. Ndi Zina akwalo Lya kasumpulwa kapati atala lya mazina onse ali ku Julu, mazina onse atala lya nyika, a cinga conse ku Julu aa nyika Cuulikidwe Ndilyo. Elyo nekubaboobo muntu ula Li bweza mu majwi aa kusinganya, mamembala aambungano ala Li belesya mu kudana, alimwi basololi banji babukombi bala Ci sanku a tunsiyansiya twabo. Ako nke kaambo nco tuubausigwa, mu busyu bwa kkomunizimu, buna Roma, a buna Protestanti, a zintu ezyo zili mu kubuka mu nyika sunu. Ako nke kaambo tula ubausigwa. Twe elede kuziba bwiinguzi obu. Leza uli kujisi mu Bbuku Lyakwe, ku buzuba bunu, pele twa kaunka ku cintu cimwi cimbi, kuluba makani aa Ndilyo.

<sup>38</sup> Bunji bwa ba Filisiti aba, mbuli mbo bakaima kuya, balo basilumamba bapati, kwiina kuzumbauzya. . . Muntu umwi waambilizya, kuti, “I kucitika kutobela ngu Samusoni.” Bunji bwa basilumamba abo, a ngale zyabo zibotu a banakazi bakalondolwa, kalanga ku cijatililo akuyeya kubona Samusoni kaimvwi mu nzila yandeene, ciindi cimwi cindi Muuya wa Mwami niwakali ali nguwe; kaimvwi a cifuwa camweebo wa mbongolo, mu maanza akwe, aba Filisiti bali cuulu kaba kkede muni lyakwe. Elyo ba kazuzila ku mwaala umwi, kuti bayube.

<sup>39</sup> Cindi muntu nakabweza cifuwa camweebo wa mbongolo eco cakalede mu lukula, uli onse ulizyi kuti kuuma komwe a mwaala na ali onse, kubelesya cifuwa eco, inga kwa cimwaya mu tubeela. Elyo mahelometi ayo, zimwi zyayo zyakali inchi yomwe, ku inchi yomwe a cisela, cizwide, ca mukuba. Elyo oyu muntu taakali silumamba, alimwi takali muntu wakayiisigwa ku—ku sumo. Elyo ba Filisiti a ngowani ya mundalila, mundalila waka jalide konse, kuvumba atala mbuli mpulungwido ya jalousi, a cibulo cikhabilila masumo a zintu kulesya kubauma; alimwi akwalo a mahelometi, a ntobo, a masumo. Elyo ba kazunguluka oyu muntu, Samusoni, a kuyeeya, “Bantu babotu loko ba impi bakali kukonzya kubweza oyu muntu.”

<sup>40</sup> Elyo ta kajisi cintu mu janza lyakwe. Elyo wa kajana cifuwa camweebo cakaindi ciyumu ca kambongolo, elyo wa katalika kuuma, kululyo a kulumwesi, kusikila wakauma ba Filisiti bali cuulu. Nkaambonzi? I Bbaibbele lyakati, “I Muuya wa Mwami wakali aali nguwe.”

<sup>41</sup> Mpaawa wa kaliimvwi, bwandeene eno. Wa kasambalide kaziye kakwe. Alimwi bakali kukonzya kumuyeeya kabotu.

<sup>42</sup> Antela kwakali nkamu imbi kutala okuya, kukonzya kuyeeya busiku bumwi cindi Delila naka mulowa mu i—i munzi wa—wa Gaza. Elyo baka jalide milyango yabo mipati, antela akali kulema taani na kwinda, mbali, milyango ya mukuba mupati ncobeni ku munzi, ya kajisi mingwala ya butale yakali kubbila mu mabwe a kwaangwa, a zya kulengelela mane ta tukonzyi kuba ili mbuli njiyo sunu. Elyo ba kati, “I ba Filisiti

bali aali nduwe, Samusoni.” Elyo bunji bwa basilumamba kabaimvwi kuzunguluka mulyango, nkabela kabataambauli, cindi na kakonzya kudunsula zyaanzyo akuselemuka. Elyo ba kasabalangana mbuli cikama ca mapempya ciindi camasiku, cindi mumuni wayasigwa. I Muuya wa Mwami waka muwida, waka tambikizya akunyuka mulyango omwe kujuka, akunyuka umwi umbi, a kulibikka aa kkuko lyakwe a kweenda kutanta cilundu, a kukkala. Ba kali kukonzya kuyeeya eco. “Ino silumamba,” bunji bwabo bakali kukonzya kuyeeya ceeco, ku mubona mu kuzunda kupati, “pele amu mulange lino!”

<sup>43</sup> Eco nce cifwanikiso ca mbungano. Nda konzya kubala mu Bbaibbele, zya mbungano cindi niya kazulwa lutaanzi a Muuya Uusalala, zitondezyo zipati a zigambyo zya keenda antoomwe a miswaangano yabo. Inga twa yeeya myaka misyoonto yainda, myaka ili makumi one na makumi osanwe yakainda, cindi mbungano niya kazulwa a Nguzu ezyo nzyoonya. Pele amumulange sunu, iliimvwi kasaunwidwe. Cintucimwi caka musamununa, cintu nciconya caka samununa Samusoni, konse kwakaletwa akuswiilila mwanakazi waka munjizya. Alimwi caka samununa mbungano, nku swiilila ciimo ca mwanakazi oyo wa kabunga, oyo Jezebele wakaindi. I cintu nciconya eco Samusoni nca kabusigwa kuzunda, caka muzunda. Elyo mbungano ya Pentekoste, sunumasiku, iimvwi mu tukondo oto ntoonya. Cintu nciconya nca busigwa kuti azunde, ciimo cakabungwe, waa kalibunganya mwini kujoka muli ncico alubo, a nguzu zyakwe zyamana. Yaa. I Nguzu zya Mwami zyaka musiya.

<sup>44</sup> Twe elede kuziba kuti ciindi coonse, kwiinda mu makani aakale, kuti mbungano niya kasola kubunganya, Leza waka isiya mpoonya awo. Ya kawa alimwi taakwe niya kabuka alubo. Elyo Pentekoste yakali cintucimwi eco cakazwa mu kabungwe, pele, mbo cakabede, twa kasala busololi bwa kabambwa aamuntu mubusena bwa Muuya Uusalala.

<sup>45</sup> Elyo nce ncico ncobeni Samusoni nca kacita. Amu ciyeeye, eco cakeelede kwiinda mu mizeezo ya muntu oyo kuciindi na kaima awo. Kweelede kuti wa kayeeya kuzunda konse kupati Leza nkwa kamupede, zintu zipati ezyo Leza nzyaka cita a nguwe a zya nguwe; a nzila eyo, kuciindi nakali a Leza, nguzu zya Muuya Wakwe, a lutangalo a luumuno ndwa kajisi kuciindi nakali a Leza, a wa Leza a bantu Bakwe. Obo Samusoni mbwa ka Mu kacilwa! Lino, cisi nciconya Samusoni ncaka busigilwa kunyonyoona, cakali mwaangide.

<sup>46</sup> Elyo cintu nciconya Leza nca kabusizya Pentekoste kucita, ca baanga, kuba samununa luswaanano, kuba samununa nguzu; kukwankwana, kunyongana, mamembala akasaala buyo. Zintu zibotu, zipati, zintuzyonse, pele nibali kabotu ikuti na ba— ikuti na ba kajisi ngoma zyakaindi zya Saluveshini Armii, na gitaali liniini lyakaindi, kunselelo lya kkona kumwi alubo. Inga

ndaciyanda kuba boobo, kwinda kuba zikombelo zipati mu cooko nzo tujana, zitolela mamilion a madollar.

<sup>47</sup> Pele ngooyo wakaliimvwi. Wa kakakilwa. Lino wa kali mwaange wa cisi nciconya eco Leza nca kamubusya kuti a nyonyoone.

<sup>48</sup> Ba kamu bamba kucita mabibo, aku basangabalisy. Alimwi nku konse mbo kubede asunu, musyobo umwi wa kukwelelezya kuniini kusola kuba sangabalisy.

<sup>49</sup> Lekela mwanakazi amoongelezye kuzwa ku Ijwi lya Leza lyakasyomezegwa! Eco nce cintu nciconya mbungano ncoya kacita, yalekela mwanakazi, Jezebele, “banyina wa basibwaamu,” kwiimininwa mu Ciyubunuzyo 17, kuboongelezya kujoka nkoonya ku malusi omo mubakazwide. Mbuli Bbaibbele mbo lyaamba, “Mbuli ngulube mboiya, ilajokela ku ntimba yayo, a mubwa ku malusi akwe.”

<sup>50</sup> Elyo kufumbwa kuti ngulube kaicili ngulube, iyo cita, bupange bwayo ni ngulube, uyo jokela nkoonya ku ntimba. Elyo, yebo, nzila buyo njoyo mubamba kuzwa mu ciziba ca ntimba nku cinca bupange bwakwe.

<sup>51</sup> Eyo nje nzila ilikke njo muyo sola kujana lwandaano luli loonse mu mbungano sunu, ci leelede kuba a kucinca kwa bulenge. Elyo mubusena bwa ciyanza cimwi cabupaizi kusololela bakambausi koonse, ciyo tola Muuya Uusalala, kwiinda mu Ijwi, ku basololela kujoka ku muuya oyo uuyoowa Leza alimwi. Mbo mbubo. Ikuti na mubwa waluka alimwi caka mubamba kuciswa mwida lyakwe, ciindi citaanzi, sa tacika mubambi kuciswa alubo? Elyo ikuti na Leza waka twiita kuzwa ku busofwi buli boobo, nkaambo. . . ee, sa ta cikaciti cintu nciconya alubo? Mpawo tula jokela moonya muli ncico, cintu nciconya. Ta ceelede kucitwa.

<sup>52</sup> Eci ciyanza ca Jezebele, lino boofu kumuuya, Nda amba, ku Ijwi lya Leza, kuli swaanganya moonya mu Kkansa ya Mabungano. Zintuzyonse, lwiiyo lwesu lupati lwa buvangeli, tweelede kusweekelwa ceeco, kuba kabunga. Nkaambo, tubunga toonse tatuli mu Kkansa ya Mabungano, Ndi jisi pepa ali ncico, kuti naaba mbungano yanu taili mu Kkansa ya Mabungano, mu ciindi ca mapenzi, bala konzya kubelesya mbungano yako kuyobola misyonga na cili conse ncoba yanda. Elyo ikuti na muntu umwi wajatwa kuba a mupailo wa muntu uli onse, kunze lya bumembala ku Kkansa eyi ya Mabungano, inga wa dubulwa, mbuli mulandu wa mfulumende mpati. Mbo mbubo. Ndi jisi mapepa aali ncico, kuzwa ku Washington. Yebo, bayo kusungilizya muli ncico. Ako nkekaambo nce Nda kali kulwana ciyanza eci cakabunga. Nce ncico. Nda kacita kuciumuzya kuba caando ca munyama, pele ciindi camana lino mane mwakonzya kuziba kuti mbwini. Uh huh. Mwabona? Mbo cibede. Cili mbubonya obo.

<sup>53</sup> Lino ino cacita nzi? Ca kaleta mbungano, kaisamununa nguzu zyayo, taakwe cintu cita zina, cila citondezya mbubonya mu Ciyubunuzyo 3, Bukkalo bwa Mbungano ya Laodikeya, Kristo wakakwa, alimwi kali anze. Mbubonya. Nkaambonzi? Ca kacita mbubonya mbuli banyina mbo bakacita, kajokela kuli zyatubungwe. Pentekoste, ya kazyalilwa kuzwa kukabungwe, kazyalwa kuzwa omo; elyo mbo baka janina buyo cikama ca bana kusika mukati kuzwa ku cikolo, elyo bakacita kuba a maseminari a zintu, mubusena bwa maanda amujulu. Elyo lino, manji mabungano mapati, muntu weelede kwinda mu kusunkwa kuli dokotela ulanga malwazi akuboongo katana zumizigwa kuba misionari kuya ku masi ambi. Mbungano ntaanzi tiya kajisi kusunkwa, kusunkwa kuli dokotela ulanga malwazi akuboongo, pele ba kacita kwiinda mu kusunkwa kwa Bulowa bwa Jesu Kristo, eco caka bamba lwandaano.

<sup>54</sup> Amubone, Samsoni wakaleka kaziye kakwe kuli Delila. Waa ka muyanda kumalekelo a ku muumauma, a kumwaambila kuti wa kali muntu mubotu, obo mbwa kamuyanda, kusikila waa kajana awo kaziye mpoka kabede, mpawo wa kagela kaziye.

<sup>55</sup> Elyo mbo mbubo nzila Jezebele mutumbu mukulukulu mbwa kacitila mbungano ya Protestanti, wakagela mukati. Elyo lino bali mukumvwanya aa njiisyo ziniini nzoba kaamba kuti bali jisi, aboobo inga baba a kukamantana ku nyika. Elyo busena butaanzi mbungano yaka gela zyooso ku Nicaea, alimwi iya kwaagela alubo ku ciindi yanooli waano. Ako kaziye kakwe, ndi Ijwi. “Ikuti na mwakkalilila muli Ndime a Ijwi Lyangu muli ndinywe, inga mwalomba eco nco muyanda, ciyo citwa kuli ndinywe.” Mwabona, awo mpe mpawo mpo bakasweekelwa maseseke abo. Lino amulange aali mbabo, bakazundwa mbubonya mbuli Samsoni mbwa kabede. Bakutausi, mubusena bwa kuzyalwa . . .

<sup>56</sup> Mbuli David duPlessis mbwa kaamba ciindi cimwi, “Leza tajisi bazukulu ba pentekoste.”

<sup>57</sup> Pele eyo nje nzila njo wamba, “Baama bakali ba pentekoste. Ba kajisi luzibo. Waa kacita *ceeci*. Taata wangu wakacita *boobu-a-boobu*.” Eco tacili cintu cakucita kuli nduwe. Yebo weelede kuba a cintu nciconya.

<sup>58</sup> Lino tu jisi maseminari ayo akonkola bakutausi besu, alimwi tuli mukuyaka bantu bapati maningi ciindi coonse. Elyo—elyo tu jisi basicikolo ba lwiiyo lwa kulilemeka kwa mizeezo. Alimwi kuli kabotu na uyanda kuyiisya kulilemeka kwa mizeezo, pele tandikwe ndaba makani a kulilemeka kwa mizeezo. Ndi yanda buyo kuziba Jesu Kristo, nkukoonse oko Nkwe—Nkwe. . . koonse Nkwe yanda kuziba, walo Nguwe. Lino tu jana kuti tuli cijisi. Cileelede ncobeni kuzulizya cisinsime ca Timoteo Wabili 3, oko nkobakali, “kukasaala,” nywebo mulizi, “basikainya, basikulisumpula, basikuyanda missaalo kwiinda ya

Leza, a bajaya zipangano, batakkutili, a—a bakali, abasampaula abo bakali kabotu.”

<sup>59</sup> Ino catu citila nzi? Catandila kubamba banakazi besu bana Pentekoste kuba basimweebwa ba Hollywood. Mbo mbubo. Cali kali cibi kuya ku kweebela zipekupeku, mabbaisikopo. Pele lino, nywebo mulizi, dyabulosi waka bauma buyo kuli ceeco, wa cibikka moonya mu ng’anda. Mwabona? Mbo mbubo. Cakali kunga cili lubide ku cicita. Ca kali kunga cililubide ku bacizi besu kugela masusu abo na kusama madressi mafwaafwi. Pele lino tacili obo, kutali mu nzila ya Pentekoste iya kuyeeya, mu kabunga kabo. Pele cici lubide, kwiinda ku Ijwi Iya Leza! Pele, nywebo mwabona, ba jisi nguzu zyabo—zyabo—zyabo—zyabo zyakagonkela. Uh-huh. Mwabona? Elyo mpawo ba lati, “Ee, mbungano yesu ilasyoma. . .” Nse kwe ndaba eco mbungano yako ncoi syoma. Nceeco Leza nca kaamba! Ako nkekaambo uliimvwi, sunu, kakutakwe bwiinguzi.

<sup>60</sup> Eyo nje nzila ncobeni Samusoni mbwa kaima. Samusoni cakali cintu nciconya. Kweelede kuti wa kayeeya bulubizi bwakwe, mbuli mbwa kaima awo. Nse syomi kuti muntu inga waima awo a kuyeeya kabotu, pele eco cikonzya kuyeeya, mukuziba, ngooyu mpali lino, wa kaba buyo ii—ii—ii cilebyo. Ino nciimo, muntu mupati ncobeni kaimvwi alya! Onse muntu wakali muli nguwe lyonse, kuciimo nco Ndi ita kuti milambi, umwi aumwi wakalimo omuya. Wa kacili jisi milambi yakwe. Wa kacili cijisi milambi yakwe mipati, imilambi mipati nja kajisi. Wa kajisi faindi zipati nconzyo. Antela wa kali mupati buyo mbuli mbwa kabede lyoonse. Mukasimpe, mbungano ya Pentekoste ni mpati kwiinda mboya kabede lyoonse, pele wakali kuli Leza? Nce ncico. Iiyi. Mbuli mbwa kaima alya, kayeeya bulubizi bwakwe, wa kayeeya eco cakacicitya lutaanzi. Ncizi caka cicitya, lutaanzi, takali eni meso akwe akagusigwa aakunyama, pele kwakali kukubona kwa kumuuya kwaagusigwa, cakuti waa kalekela Delila kumu nyomenezya muli ncico.

<sup>61</sup> Elyo eco ncecintu cisinkila mbungano sunu, ngu, kukubona kwa kumuuya ikwa Ijwi Iya Leza Iya kavungwa mu cikama ca tuzanza twa buzumini. Elyo nde liso dyabulosi ndya jisi. Cintu citaanzi nca konzya kucita, nku gwisya meso ako, ku kwaambila kuti, “Ni nkamu ya babumbulusi basalala,” ku kwaambila, “Ngu *eci*, *eco*, na *cimbi*, na mulimo wa dyabulosi umwi, na nkukwabana kwa mizeezo, na cintu cimwi mu bweende obo.” Ikuti na wakonzya kuuma meso ako, uli mu mudima.

<sup>62</sup> Elyo amubone kukombelezya kwa Samusoni lutaanzi mu mupailo wakwe, “Mwami, kuti inga Nda liyankoto ku meso angu obile!” Wa kalizi kuti mpaawo penzi lyakwe mpo lyakasika. Amubone, zyooso zyakwe zyaka komena, pele wakali moofu. Na kazungana akwalo, mazuba akwe onse. Wa kali moofu.

63 Inga katu jisi mincina mipati mbuli mbo twa kajisi lyonse, a mamembala manji; pele ino mbubotu nzi mbo cicita, ikuti na uli moofu ku cintu nciconya eco cili mukucitika kumbele lyako, nkabela to konzyi kucibona? Ncinzi cicitika mpoonya awa, buzuba a buzuba, antoomwe a bantu, Muuya Uusalala kauli yubununa Mwini, nkabela bantu taba ciboni. Abo boofu, boofu basimuuya!

64 Ba kaima a kulangilila Jesu kacita maleele, azimwi zimbi, a kultonondezya Mwini kuba Mesiya, elyo tiiba kakonzya ku cibona. Wa kati, “Ba kajisi meso, pele taba konzyi kubona.” Ba kali boofu.

65 Elyo Samusoni wakali moofu. Pele nceeci eco Samusoni ncakaziba, eco mbungano nkoi tana boola pe, wa kalizi kuti kwakali kukonzeka kujoka alimwi.

66 Ikuti mbungano yakonzya buyo kuziba eco, kukonzeka, pele bantu ba sunu taba boneki kujata cilengaano. Ta baboneki ku cijata, kuti kuli kukonzeka. Ta ci booli mukati. Inga woongolola aniini loko, kuuma maanza ako kunji aniini, na kuziyana kumbi kuniini, tacili ncico. Peepe. Nku jokela ku Ijwi; kuli kukonzeka kwa kujokela a kujana Ijwi mukati alubo. Wa ka Ci indilila awo. Amubone, bala kkala cakujata loko. Oh, masimpe, kukamba maanza abo? Iiyi, munene. Pele, nywebo mwabona, nkukoonse kweenda, kakutakwe cijatisyo cimwi.

67 Nda kabona bahedeni kabakamba maanza abo, kucita kuziyana, kukanana mu myaambo, a kucita zintu ezyo zyoonse, a ku cipandulula, pele bakali bahedeni bana Africa. Masimpe. Nda kaba bona kaba bikka pensulo ansi, nkabela oyo mung’anga kaimvwi awo a kubamba pensulo eyo kaiyutuka, aku zuza atala aansu ku busena atala alya, akujoka a kusobana, mbuli, “kuumpulwa akugela masusu, zibeela zyobilo,” a kudulowa mulaka utazizilwe a ku cilemba, nkabela umwi wabo wakaima awo, ka ci pandulula. Oh, ma!

68 To konzyi kuyaamina ali ceeco. Bunji bwabo balaamba mu myaambo nkabela bala kaka njionya milazyo ya Jesu Kristo. Nda kabweza Bbaibbele lyangu, ka Li bikka nkoonya ku muntu; walo kaimvwi alya, kaambaula mu myaambo. Elyo Nda amba, “Mukwesu, *Eci* cili mbubonya.”

69 “Nse yandi akwalo ku Ci bona. Bulemu kuli Leza! Ndi lizi eco Jesu nca kaamba, Ta ndikwe makani kujatikizya cimwi ca Ncico. Aleluya! Bulemu kuli Leza,” mbuli obo. Baa, muntu wakali kukonzya kufutatila Bwini amubwini kubikka cizyano cipati mbuli obo, kutantamuka kubona Bwini, oko nkuupaupa, akusakana kwa mbubo, nkaambo buyo kakuti na kalekezya kkadi lyakwe lya luswaanano ikuti nakazumina obo bwakali Bwini. Oko nkubija kwinda Samusoni. Amubone, pele tiibaka Li jata. Bala kkala ndwii.

<sup>70</sup> Lino, oh, masimpe, tu jisi kuba antoomwe kupati, “miswaangano,” mbo tu kwiita, lubukulusyo lwanyika, a zimwi zimbi, zyoonse zizwide lusakatizyo, masimpe, zintu zipati ncobeni, a kuzibya kupati, “I muntu ujisi mulumbe wa oora, a *Nini-a-nini* alimwi *Nini-a-nini*.” Tuli cijisi eco conse, pele uli kuli Leza? Eco, nce cintu nco tuyandaula, uli kuli Leza? Cibeela calwiyo cipati maningi ca mweebwa, muntuumwi ujisi lwiyo lunji cakuti takonzyi. . . kubelesya bbala cisela ca bantu tiiba kakonzya kumvwisya eco ncakali kwaamba, elyo nekubaboobo ujisi digrii lya bulemu buyo, a digrii, a digrii, a digrii, cakuti inga walekica akubikka mabala antoomwe, a kwiima cakulondoka loko, a kwaamba “ameni” mbubonya buyo kabotu, a kunyona mbuli muntu simpi, kweenda kuzwa aa cibumbili. Pele uli kuli Leza?

<sup>71</sup> Samusoni wakaima mu busena obo ciindi cimwi, lwakwe, a kuziba nguzu zya Leza, pele lino wa kali cibelesyo ku zyoolwe ezyo. Wa kali mupati buyo mbuli mbwa kabede lyoonse, pele Leza takaliko okuya.

<sup>72</sup> Tu jisi kunji kwa ceeco sunu. Ncibi loko kuti tuli cijisi, pele tuli cijisi. Lino tula bona. Pele ta cijosyi Muuya wa Leza. Lino, cintu ca ncico ngu, bantu taba libambilide kubbadela muulo ku jokela kuli Ceeco. Nda syoma kuti Leza ucili mbubonya buyo mbuli Mbwa kabede lyonse. Pele, cintu ca ncico cili kuti, bantu baka lizamba maningi mu inyika, a inyika muli mbabo, kusikila bajisi buyo bukombi bunji kubacitya kusampauka. Kutali kwini kwaangulula kuli Leza a kupa moyo wako oonse muli Nguwe, pele kunji, “Inzya, Nda unka ku mbungano. Nincobeni, Nda botelwa kwiimba a kukamba maanza. Inzya, Nda ciyanda eco, mwabona.”

<sup>73</sup> Pele cindi caboola ansi eni ku kubikka eco nco wamba kuti ula syoma mu micito, akulibambila kulyaambilila bulubizi, taba cicitu. Ta ciko buyo. Taba cijisi pe. Ee, oko nko kulamwa kwini. Oko nko tuyandikana. Twa kacisiya eco kwaciindi cilamfu, kaindi loko, a ku cisintanya. Mupailo, a—a kulyaambilila, a kulamwa, twa kakusintanya a kulimvwa, kuzungaana, na kugunaguna, na kusotauka mujulu aansi. Ako nke kaambo taakwe kujatisya pe, nkaambo taakwe cintu caku bajatilila, kusikila wasika aa mbaakani ya Ijwi lya Leza, lya buusu bwa bunaleza, kulibambila kweempwa a kucita cintu cili coonse ciluleme, a kucita eco ciluleme, kuli bambila kupona kabotu. Ta ndikwe makani eco bantu nco baamba, na kufumbwa cintu cimbi, ko ponena cako, nkambo ka Jesu Kristo a ceeco Nca kaamba. Mpawo ula bweza mbungano mbuli eyo, kujokela, kuli kukonzeka kwa njiyo kuboola. Pele taba libambilide kucicita.

<sup>74</sup> Samusoni wakakomba ncobeni, “Mwami, ndilekele kufwa a ba Filisiti aba.” Oh, ma! Mwabona eco nco ciyo mutolela? Ino kuti Leza waingula mupailo wakwe? “Andifwe.” Oh! Nda ciyanda eco.

<sup>75</sup> Sa wakali Patrick Henry wakati, “Kondipa bulubusi na kundipa lufu”? Mbo mbubo.

<sup>76</sup> Ncibotu, nce ncico, bulubusi na lufu! Ci jokela kuli Leza, na—na lufu. Ino tula citaanzi? Ino ncinzi ncotuli kozyanisa? Ino ncinzi nco tusola kusobana, Bunakristo? Ikuti na Muuya Uusalala ucili Muuya Uusalala oyo wakawa ku Pentekoste, Uci cita zintu nzyoonya nzo Wa kacita kaindi. I Nguzu nzyoonya, Muuya nguonya, Uyo beleka nzila njionya. Ta tuyandiki kkanso ya mabungano. Tu yandika Bbaibbele kujoka mu mulimo. Eco mbombubo ncobeni.

<sup>77</sup> Lino tu jana kuti Samusoni wakakomba ncobeni, “Mwami, ndilekele kufwa a sinkondo,” kufwa kuli sinkondo oyo waka mu bikka munzila eyo. Ikuti na kuli cintu cili coonse eco bantu nco beelede kukombela, sunumasiku! Elyo tu bona cintu caka cita ceeci, nku tantamuka kuzwa ku Bbaibbele, kuya ku kayanza kabuzumini. Mpawo, kufwa a cintu, kozwa muli ncico! Kofwa kuli ncico. Samusoni wakali libambilide kubbadela muulo kuti ajane Nguzu zya Leza kujoka alimwi. Kuli muulo wa kubbadelwa Ncico, pele, sunu, bantu taba boneki kucicita.

<sup>78</sup> Oh, tu lamvwa lubukuluso, masimpe. Iiyi, tu jisi lubukuluso lwa kabungwe, tu laba a mamembala manji mukati, a zintu mbuli ezyo. Pele amulange kulilemeka, kula nyonganya cakuzumanana. Amulange kusakana loko a kusakana kuzwa kuli Leza mbobaba ciindi conse, kutantamuka kuzwa ku Ijwi. Elyo lino cindi banjila a kunjila mu Kkanso ya Mabungano, baa, ba kazumina mujayi mupati maningi eyo mbungano ya kujwi ncoi jisi. I Ijwi eelyo Leza ndya kasiila mbabo, ba kweenguluka zyoonse zya Ceeco. To konzyi kuyiisya Bbaibbele eelyo; weelede ku yiisya kayanza kabo kabuzumini. Nceeco we.

<sup>79</sup> Samuson wakali cizyi cintu comwe, alimwi Nda libuzya na mbungano ila mvwisya asunu. Wa kalizi kuti ciimo cakwe ciwide tii cakakonzya ku swaana kuzundikizya kwa oora. Elyo Ndi lizi, sunu, kuti ciimo ciwide ica mbungano tacikonzyi kuswaana kuzundikizya kwa oora eli. Elyo ciyo bija. I Bbaibbele lyakati, “Mbuli Janesi a Jambresi mboba kakazya Musa, mbubonya mbo baya kucita; bantu ba mizeezo mibi, kujatikizya Lusyomo.” Bala konzya kutandila ku Ci kkopela mbubonya.

<sup>80</sup> Musa waka selemuka a kulailila kwakwe kuzwa kuli Leza, a musako mu janza lyakwe. Elyo Leza wakati, “Kocita eci citondezyo kumbele lyabo. Elyo ikuti na taba kaswiilili kuli ceeco, mpawo kocita citondezyo eci kumbele lyabo. Elyo ikuti na taba kaswiilili kuli ceeco, mpawo Njo oba anduwe, Njo mamela zimwi zyaco.”

<sup>81</sup> Ee, Musa waka selemuka a citondezyo cakwe citaanzi. Elyo, mbwa kacitila biyo citondezyo cakwe citaanzi, kwakali basikulikozyanisa koonse, kabacita cintu nciconya. Pele Musa kwiina naka libilika kujatikizya ncico. Wa kaima buyo nji,



nkambo wa kalizi kuti wakali Leza waka mutuma. Tu yooba a ceeco kuloolola alimwi mu mazuba aa mamanino, amuyeeeye. Mwabona?

<sup>82</sup> Elyo ciimo cesu cakuwa lino ta cikaswaani kuzundikizigwa kwa oora, nekubaboobo bupange bonse bupati nkobuli. Kuli ba Pentekoste banji mu inyika sunu kwiinda bakaliko lyonse, abo mbe tuzi, basyomi banji ba Pentekoste. Mbo mbubo.

<sup>83</sup> Nywebo mulizi, *The Sunday Visitor*, mutende wa Katolika, mutende wa Munsondo uutegwa *The Sunday Visitor*, Nda syoma kutandila myaka yobile yainda, kabamba musyobo umwi wa kaambo mbuli aka. Wa kati, “I mbungano iikomena cakufwambaana loko mu inyika nja bana Pentekoste.” Kati, “Mwaka wainda, mbungano ya Katolika ya kalemba bakasanduka bali mamilioni, ku Bunakatolika.” Pele bakati i...Obo Mbunakatolika bonse. Pele kati, “I mbungano ya Pentekoste ilikke, muli lwayo, yakarekkoodwa milioni yomwe, zyuulu zili myaanda yosanwe.”

<sup>84</sup> Lino bubambe nkuli, pele ta tujisi nguzu nzo twa kajisi cindi ni twakali mubuubauba. Zyoonse zibeela zipati zya Samusoni zyakaimvwi awo, pele zili kuli Nguzu zya Mwami? Iyi, ciyanza cakabungwe ta cisimpikizyi Ijwi Iya Mwami. Mbo mbubo. Lino amubone.

<sup>85</sup> Nda kali kwaambaula ku mupaizi oyo ukkala ku kagwagwa kuzwa kuli ndime, mbungano ya Moyo Uusetekene.

<sup>86</sup> Kutandila mweezi wainda, kuzwa kaambo aka kapyo nika kaboola, mukambausi muna Luther waka jisi mupaizi wa mbungano ya Katolika, Mbungano ya moyo Uusetekene, kutala ku kambauka mu cikambaukilo cakwe nkambo ka nguwe. Elyo i—i mupaizi wa Katolika waka jisi mukutausi muna Luther kunselelo kwaamba kaimbo ka mupailo kuli nguwe. “Kusintanya cikambaukilo,” kabeela kapati mu pepa. Inzya. Masimpe. Oh, ma, ikuti na umwi wakonzya kubona ceeco a kutali... Ikuti na to konzyi kumvwisya ceeco, ee, uli—uli—uli moofu ncobeni wa Malembe. Mwabona? Iyi.

<sup>87</sup> Nda kaambaula ku mupaizi oyu. Elyo wa kati kuli ndime, wa kati, “Ndi yanda kwaambaula kuli nduwe, Munene Branham.”

Nda kati, “Ncibotu.”

<sup>88</sup> Elyo wa kati, “Sena waka mubbizya oyu musimbi Frazier, wa zina Iya Mary Elisabeth Frazier?”

Nda kati, “Iyi, munene, Nda kacita.”

Wa kati, “I bishopo uyanda bulembo bwako busainidwe kujatikizya neico.”

Nda kati, “Ndi mvwa kuti—kuti waa kasanduka kuba muna Katolika.”

89 Elyo wa kati, “Iiyi,” kati, “waa jokela ku mbungano yeendelezya.”

90 Elyo Nda kati, “Iiyi, munene,” Nda kati, “banyina bakali kundaambila makani aa ncico.”

Kati, “Iiyi, banyina tiiba kacibweza kabotu loko.”

91 Nda kati, “Inzya, banyina baka ndaambila kuti ‘bayo sala kweenda a nguwe ku cuumbwe.’” Elyo Nda kati, “Mukasimpe, nce ncico ncakali kucita.”

92 Elyo aboobo wa kati, wa kati, “Ndi yanda kuti utondezye kaambo aka.” Kati, “Sena waka mubbizya? Wa kamubbizya buti?”

Nda kati, “Mu lubbizyo lwa Bunakristo.”

93 Elyo wa kati, “Nda amba *buti*, munene? Sena waka musansaila, kutila, na ku munyikizya?”

Nda kati, “lubbizyo lwa Bunakristo nku nyikizya.”

94 “Uh-huh,” kati, “ncibotu.” Kati, “Lino, yebo, wa kamunyikizya mpawo mu Zina lya Taata, Mwana, a Muuya Uusalala?”

95 Nda kati, “Iiyi, munene, oyo ngu Jesu Kristo, eelyo ndi Zina lya Taata, Mwana, a Muuya Uusalala. Eyo nje nzila Mbwe—Mbwe kamubbizya.”

96 Elyo wa kati, “Wa kamu bbizya mu Zina lya Taata, Mwana, a Muuya Uusalala?”

97 Nda kati, “Iiyi, munene. Nse naita kuti mabala, lino. Nda kamu bbizya mu *Zina* lya Taata, Mwana, a Muuya Uusalala, uuli ngu ‘Jesu Kristo.’”

98 Wa kati, “Iiyi, munene, Nda bona,” elyo waka cibikka ansi mbuli boobo. Wa kati, “Yebo ulizi, eyo nje nzila mbungano ntaanzi ya Katolika mbo yaka babbizya.”

Nda kati, “Oh, sa mbo mbubo?”

Elyo wa kati, “Inzya, eyo nje nzila.”

Nda kati, “Ncinzi cakacitika? ‘Ba kacita kabotu.’”

99 Elyo wa kati, “Ee,” wa kati, “yebo wabona,” kati—kati, “ula syoma Bbaibbele. Leza uli mu mbungano Yakwe.”

100 Nda kati, “Leza uli mu Ijwi Lyakwe, munene, Ijwi Lyakwe.” Nda kati, “Sena waamba kuti Petro wakali pope mutaanzi.”

Wa kati, “Mbwa kabede.”

101 “Ee,” Nda kati, “nkokuti na mbungano ya Katolika yeelede kwaamba yonse milalilo yayo mu—mu Cilatini, amumwi, awo mpo citaka cinci; mpawo ncinzi poopu mutaanzi nca kaamba, mu Incito 2:38, awo mpa kaamba, ‘Amusanduke a kubapatizigwa, umwi aumwi wanu, mu Zina lya Jesu Kristo kuti mujatilwe zibi zyanu.’”

Wa kati, “Ikuti na uyo . . .”

Nda kati, “Ku kulyaambilila oku, azimwi zimbi,” Nda kaamba.

<sup>102</sup> Wa kati, “Ee, sa Jesu takaambila basikwiya Bakwe kuti, ‘kufumbwa zibi nzo mwalekelela, kuli mbabo zyalekelelwa; kufumbwa zibi nzo mwatalekelela, kuli mbabo tazi lekeledwe?’”

Nda kati, “Wa kacita.”

<sup>103</sup> “Mpawo ncinzi cilubide kuli ceeco? Bbaibbele lyako ndilyonya lila kwaambila ceeco.”

<sup>104</sup> Nda kati, “Nkokuti na mwa jatila zibi munzila njoba kazijatila, Njo enda anduwe. Nkaambo, Petro waka buzigwa, oyo waka jisi zizaluzyo, ‘Ino tweelede kucita nzi kuti tufutuke?’ Wa kati, ‘Amusanduke, umwi aumwi wanu, a kubbizigwa mu Zina lya Jesu Kristo kutegwa mujatilwe zibi zyanu.’ Lino kocicita mbuli obo, nkabela Njo unka a nduwe.” Ameni. Eelyo ndi Ijwi. Eyo nje nzila ya ku cicita. Ba kakompama ali ncico. Eco . . .

Wa kati, “Ee, ee, Nse boolela kukazyanya a nduwe.”

<sup>105</sup> Nda kati, “Nguni wakali kukazyanya?” Mwabona? Nda kati, “Nse cita. Nse kazyanyi. Ndi . . . wandi buzya buyo mubuzyo, nkabela Nda wiingula ku bubotu Mbwe zyi nzila.”

<sup>106</sup> Nda kati, “Ndiyo kubuzya omwe.” Nda kati, “Yebo wakati i . . . kuti Leza wakali a mbungano. Elyo lino Ndiyo kupa lugwasyo lwa kumwaambila, Banakristo bataanzi, ikuti na uyanda ku baita kuti Katolika, ncibotu; Petro, Jakobo, Johane, Marko, Luka, a boonse babo, ba, iyyi.” Nda kati, “Mpawo mukutobela bubambe bwa Bbaibbele kuti aba baapostolo bakalemba, lino waamba kuti sunu zikombelo zyanu zya cooko lino nzipati maningi kwinda mbo zyakabede kaindi, muzyi busongo bunji? Elyo mulizi nzila ya kumamela i . . . ?”

“Iyyi, munene. Obo mbombubo ncobeni.”

<sup>107</sup> Nda kati, “Mpawo nkaambonzi cakali obo, kuti cindi niba katobela milao ya Jesu Kristo, ba kabusya bafu, baka tanda madaimona, ba kacita misyobo yoonse ya zitondezyo a zigambyo, alimwi to ciciti sunu na? Lino ncinzi cilubide?”

<sup>108</sup> Ikuti na mbungano yakali mbotu mu bukkalo bwa bana Lutherani, na bukkalo buna Wesleyani, na kufumbwa bukkalo bumbi, kwiinda mbo cakabede kaindi kuya, nkaambonzi nco bata kacita milimo ya mbabo mpawo? Mwabona? Mwabona? Masimpe. Kujoka ku Ijwi!

<sup>109</sup> Samusoni wakaima awo, kanyangidwe nguzu zyakwe. Pele, nywebo mulizi, kwakali cintu cimwi (Ndi yanda kubinda) ba Filisiti tii bakaziba, kuciindi Samusoni nakaimvwi alya kayeeya zyonse ezi alubo.

<sup>110</sup> Nda lombozya ni Nda bweza inyika ya Pentekoste akuba lundika mu kkona amwi, aba yeeye mbuli boobo kwa kaindi,

amuyeeye buyo zintu ezi zili kabotu. Mpaali mpo tubede lino a zilembo zipati ncobeni zya kabunga? Muntu aumwi kalwana umwi uumbi. I Babumwi balwana Babubili, Babubili balwana Babutatu, abamwi bambi, boonse, nzila buyo mbo cibede. Eco ta ceelede kuba boobo. Ceelede kuba boobo. Tweelede kujoka, a kuboola antoomwe a kucibamba aa mbaakani ya MBUBOUBU MBWAAMBWA I MWAMI.

<sup>111</sup> Ino ndi penzi nzi ku basinsimi mu mbungano? I Ijwi lya Mwami lyelede kuboola ku basinsimi. Elyo ikuti na musinsimi utaminina kuba musinsimi, nkabela uyo kaka Bwini obu mu Bbaibbele, kweendelana ku Ijwi, tali musinsimi. Lino, tweelede kuba a zipego ezi zya kutubamba mu ncililano, ku tubamba mu malailile. Pele awo, bumwi na bumbi, twa kazwa kuli ncico coonse. Elyo ba laima, nji mu kkona.

<sup>112</sup> Mpaawa kwakaimvwi Samusoni, kaimvwi mu kkona, kayeeya koonse mbo cakabede. Alimwi aba ba Filisiti kabaimvwi alya, amaboko abo kagwambatide banakazi aba, kabalangide ansi, kababbya a kukolwa, a kusekelela kuzunda atala lya mulanda wa Jehova. Oh, ma, sa eco taci tumi buyo cintucimwi kwiinda muli ndinywe, kuyeeya ceeco, kuzunda ku makanze aa Jehova! Iiyi, bakaimvwi alya a kaleza ka nswi. Dagoni wakali kaleza ka nswi. Elyo bakali kutenta cituuzyo. Maumi aa bantunsi akagusigwa, mwana muniini wakacita kufwida cituuzyo, wakainzya panga muli ncico, moyo wawo, ku cituuzyo. Elyo mbaabo mbo bakabede, kaba jisi kusekelela oku kupati ku kuzunda kuli Jehova.

<sup>113</sup> Elyo mbungano sunu masiku, mbuli nkamu ya ba Filisiti, ili muku tondeka ku muzeezo kuti Kkansa ya Mabungano, kwainda kaindi, bayo jala mbungano yoonse eyo itazulilwi kuli njiyo. Samusoni, uta gela masusu aako! Kokkala ncobeni a Ijwi eelyo. Ta ndikwe makani eco cicitika, kokkala mpoonya awo a Ijwi eelyo. Uta sangani muli ceeco.

<sup>114</sup> Samusoni wakatalika kuyeeya, “Ndalibuzya ikuti na kuli kukonzeka?” Lino wa kati, “Ndi lizi masusu angu akakomena, pele Ndili moofu. Inga kwaba kukonzeka kwa lubukulusyo lumbi. Kuli kukonzeka.”

<sup>115</sup> Wa kati ku mulombe muniini, “Bikka maanza angu a cikunguzyo. Sena ezi nzikunguzyo bwaanda boonse mpo buyakidwe?”

“Iiyi.”

“Elyo mwaamba kuti boonse bamami a basimpuwo bali atala?”

“Iiyi.”

<sup>116</sup> “Nda katala. Wa keelede kucita, kundibamba kucita mancenjela manji loko a zintu! Sa inga wabikka maanza angu aa cikunguzyo?”

117 Elyo wa kabikka maanza akwe aa cikunguzyo, a kwiima akati kabo, ndiza mbuli mu ncililano *eyi*. Elyo wakaima kuya a maanza aakwe kayaamide zikunguzyo. I ba Filisiti, kabasekelela a kuba ciindi cibotu loko, baka luba ku mu langilila. Oh, ma!

118 Pele wa katalika kuyeeya, “Leza ucili Leza. Ndi lizi kuti Mbwa bedede. Nda ka Mu soleka. Nda ka Mu bikka ku kusolekwa. Ndi lizi kuti Ucili Leza. Ndime oyo uulubide. Nde ndime oyo wakabisya.” Tii bakabona misozi kizwa mu mankolyo atakwe meso, kiimbulumukila ansi ku cilezu cakwe. Tii bakabona milomo kiiputa puta. “Mwami, Nda kalubizya. Andi fwe antomwe aba Filisiti.”

119 Wa kali kuyanda Ijwi lya Leza lyaka tondezegwa kumbele lya Jezebele oyo, kwiinda mbwa kali kuyanda buumi bwakwe mwini. Oh, ikuti na oko kuyanda inga kwasika ku mbungano alubo! Inzya. Ta kali kukombela malailile mapya, kabungwe kapyo, pele kuti Ijwi lya Leza inga lya yubununwa alubo; i cisyomezyo eco nca kajisi lumwi, inga cajokela kuli nguwe alubo. Wa kalizi kabotu eco cakalino citika na mupailo wakwe kauwiiwa, pele wa kali libambilide mu kusinizya kumaninide. Oh, ikuti mbungano yakonzya biyo kuba boobo! Mpawo wa koopolola!

120 Bucebuce wa kali kupaila, “Kula konzeka, Mwami. Kula konzeka. Nda ima awa, bupange bwangu boonse bucili antoomwe. Ndili waano, masusu angu akakomena. Pele Nse kakonzya kubona nzila ya kutabauma limbi, kaambo meso angu takuboni. Nse kakonzya kubona oko Nkwe kali kuya. Pele cila konzeka kuti—kuti inga Wa cilekela kucitika alubo, Mwami, ku tondezya nguzu Zyako.”

Wa kakwiila, “Acimbi ciindi, Mwami, acimbi buyo ciindi!”

121 Oh, ikuti na mbungano yakonzya buyo kulila kuti, “Ciindi comwe cimbi, Mwami, atu bone nguzu Zyako!”

122 “Ciindi comwe cimbi!” Elyo mbuli mbwa kalila a kulomba Leza, inga Nda bona yalo milambi yakatalika kuzimba. Kapapu koonse mu mubili wakwe katalika kulinyona. I Muuya Uusalala wakali kuboola ali nguwe mpawo. Wa katandabika maanza aakwe alubo, a nguzu zya Muuya Uusalala zya kamuwida, buyakwe bwakakolomokela ansi. I Bbaibbele lyakati, “Wa kajaya buzuba obo maningi kwiinda mbwa kacita mazuba akwe oonse.” Wa kazulizya kutumwa Leza nkwa kamupa, mpawo. “Ciindi comwe cimbi!”

123 Lyoonse cakali munzila eyo cindi nguzu zya Leza zyasika, mayake mapati atulengwa akawa. Kuzunda kupati maningi kwa Samusoni kuli basinkondonyina kwakaba ku ciindi cakwe camamanino.

124 Lino atwaambe eci, mu kujala buyo. Pentekoste, inga twaima a cikunguzyo ca tubunga otu tupati, sa inga twaimikila ku cikwankwani ca Hollywood a zyonse ezi zintu zimbi

zitwandaanya kuzwa ku luyando lwa Leza luli muli Kristo, alimwi inga twaimikila alya akweempwa, a koongolola kapati alubo kuteeti, “Mwami, acimbi ciindi kotubamba kuba pentekoste! Acimbi ciindi, Mwami, acimbi ciindi kotubamba kuba pentekoste! Acimbi ciindi tondezya nguzu Zyako muli ndiswe, Mwami! Acimbi ciindi buyo na”?

<sup>125</sup> Amuswiilile, munyonyoone sinkondo nyokwe kwalo sinkondonyokwe kataninga ku kunyonyoona. Uyo cicita. Kojosya miswaangano ya cianza cakale a cintu. Elyo, oh, siya Delila alikke, siya inyika ailikke, eco cintu ciku kwelelezya kuleya kunjila mu zintu ziniini nzo teelede. Elyo zintu ziniini, mapenzi aboola mu mbungano, nkabela to kaimi kululamikwa nkaambo kakuti toelede kucita; inga mwalokela ku mbungano imbi, a zintu mbuli ezyo. Ku mazuba mataanzi, cindi muntu nata keendelana a Ijwi lya Leza, baka mubweza, kafwide.

<sup>126</sup> “Ko tujosya ku pentekoste!” Kutali mweebwa wa Hollywood, pele camoyo onse kuya kuli Leza nce cintu nco tuyandisya. “Acimbi ciindi, O Mwami, acimbi ciindi!”

<sup>127</sup> Ikuti na Nda konzya kubona eco kucitika, ikuti na meso angu akaindi kakompeme akonzya kulanga alubo a kubona mbungano eyo kailuba kwiimpana kwayo! Ikuti na Nda konzya kubona cianza eco cakabungwe kacipasuka, a ku cisowela moonya mu ndaba ya Kkanso, a kuti, “Ta tuyandi cintu cakucita ancico! Ta tuka sweekelwi bupati bwesu!” Ikuti na Nda konzya kubona ba Triniti a Bumwi, a boonse babo, kuba antoomwe a kwaamba, “Bakwesu, atu jokele oko nko twaka Mu siya. Atu jokele oko nko twakatalika kukwankwana kuli umwi aumwi, kujoka ncobeni ku ciyyo ca lubbizyo lwa maanzi, a kujoka ncobeni akubweza nzila ya Bbaibbele kuli ncico,” elyo mpawo kulila kuti, “Acimbi ciindi, Mwami, acimbi ciindi!” Elyo kujana mweebwa oyu onse. . . a bunji bwa balombwana aba a cibumbili alimwi taba muzi Leza kwinda kasulwe mbo kacita kujatikizya mabbusu amu zyaanda, elyo aba banakazi basamide madressi aajata maningi kusikila lukanda lwabo luli aanze, kabeenda koonse akoonse ku cibumbili, kukamba maanza abo a kusotauka koonse mbuli boobo, mbuli nkamu ya kutondezya na cintucimwi cimbi.

<sup>128</sup> “Leza, ko tujosya ku Muuya Uusalala a nguzu, a luyubunuko lwa Ijwi! Acimbi ciindi, Mwami, acimbi ciindi!” Sena mula cisyoma? [Mbunga yaamba, “Ameni.”—Mul.] “Mwami Leza, acimbi ciindi, ndileke biyo kubona Busyu bwa Jesu Kristo kabweenda kwiinda mu mbungano, andi bone nguzu Zyakwe a cisyomezyo Cakwe kazi tondezegwa kumbele lyesu. Acimbi ciindi, Mwami, acimbi ciindi! Leza, koba siluse, kotu gwasya!”

<sup>129</sup> Sa mwabona obo zintu ezi zimbi mozitubikka? Zi jaya nzyoonya. . . zitanda bulenge bwa Kristo, kuzwa mu mbunga, kuzwa i—kuzwa mu mbungano, kuzwa ku bantu. Tweelede

kuba balukidwe antoomwe cakuti taakwe cintu cikonzya kutwandaaya kuzwa ku Ijwi eli a luyando lwesu kuli umwi aumwi.

<sup>130</sup> Jesu Kristo mpali ano. Ngu Taata wesu. Ngu Baama besu. Ngu Musilisi wangu. Ngu Mwaami wangu. Ngu Leza wangu. Walo Mbuumi bwangu. Walo ndutangalo lwangu. Walo luumuno lwangu. Koonse oko kuliko, Mbwa bede, kuli ndime. Ngu zyoonse zyangu zilanganisigwa. Uli waano lino.

<sup>131</sup> Walo uyanda kujosya mbungano ku busena obo. Ndalibuzya ikuti na inga twa lila, “Ciindi comwe cimbi, Mwami,” a kulekela i—i misozi ya kweempwa kuloka kuzwa ku mankolyo esu aofweede? Nse kanani ncobeni ku mbungano eyi. Oyu ula teping’wa, nywebo mwabona, awa, oyu uya kuunka koonse ku inyika. Atu—atu lekele bantu besu bajoke kuli ceeco alubo, ku cilekela kujoka ku busena nko tu konzya kwiita kujoka ii—ii muswaangano mbuli ngo twakali kuba awo.

<sup>132</sup> Kubweza buyo myaka ili kkumi na kkumi ayosanwe, kaindi, kulanga nzila mbo cakacesya kuzwa eelyo, kulanga nzila mbo cakaya ansi, aansi, aansi. Ca kaba kutandila mbuli sampu, mulombwana ulimvwa kuusigwansonni, kutandila, kwaambaula makani a kuponesegwa kwa Buleza, kwakali sampu maningi lyakaletwa ali ncico; kwaambaula zya Muuya Uusalala, kakuli sampu maningi lya kaletwa ali Nguwo. Mbo mbubo. Tabuli butongo bwa Leza. Ngu Samusoni oyo wakazwa ku milazyo ya Ijwi lya Leza, alimwi wasintanya cintu cimwi cimbi, akulekela kabunga kumu gela, ku mukwelelezya muli ncico.

<sup>133</sup> Nda mwaambila, mukwesu wangu, mucizi, ikuti na Nse kakuboni limbi ku lubazu olu lwa i—lwa Mungwala wa Lubeta mupati lwa Leza, “Jesu Kristo ngu mbobuca nguwenya, sunu, amuya myaaka.” Ijwi Lyakwe, kuli ndime, bwalo Mbuumi. Mpali ano lino. Sena mula syoma obo? [Mbunga yaamba, “Ameni.”—Mul.] Ndi lizi kuti Nkwali ano.

<sup>134</sup> Elyo cintu buyo ncoelede kucita, kuziba kuti Mpali ano, nkuli gusya mu nzila lwako. Mwabona? Kufumbwa kuti koli mu nzila, mpawo Leza takonzyi ku kucitila cintu. Cindi wayeeya miyeeyo yako, mpawo mizeezo ya Leza tai jisi coolwe. Pele ikuti na waleka kuyeeya miyeeyo yako, a kuyeeya mizeezo Yakwe! “Miyeeyo yangu taili miyeeyo yanu,” Wa kaamba. “Ikuti na kuli kulumbaizya kumwi, ikuti na kuli bubotu bumwi, amu yeeye zintu ezi.” Kutali eco mbungano imwi nco iyoamba kujatikizya ncico, pele eco Leza nca kaamba kujatikizya ncico!

<sup>135</sup> Mbuli mulindu oyu muniini ulede awa, kazungaana mu kalo aka. Oyo mwanakazi uyo kkala mbuli boobo buumi bwakwe boonse, citakuti waa konzya kubamba lusyomo lwakwe—lwakwe cigaminina ali Jesu Kristo. Elyo tacikwe makani eco ciboola na kuunka, cila yubununwa kuli nguwe, mpawo kwiina cintu

ciyoima kuponesegwa. Mbo mbubo. Pele cindi wa jana yako. . . Ciya ali ceeco nco yeeya.

<sup>136</sup> Ikuti na uyo syoma buyo a kuba a lusyomo, Leza inga wacita kufumbwa cintu kuli nduwe. Elyo cintu cipati maningi Nca konzya ku kucitila, sunumasiku, nkufumpa buntu bwako kujokela moonya mu Busyu bwa Cilenge Cakwe. Nkoonya kusule okuya oko muntu aumwi omuno. . .

<sup>137</sup> Amuyeeye buyo, ino kuti Muuya Uusalala waka jisi boonse mukati muno mu bweendelezi Bwakwe cakumaninina? Amuyeeye eco cinga cacitika sunumasiku, amuyeeye eco cinga cacitika mu Shreveport ku ciindi eci masiku ajuunza! Ba kali kunga bajisi mitwe ya makani koonse, “I nkamu ya bantu yakasondoka. Ba kali kuponya balwazi a kubusya bafu. Bali mukucita misyobo yoonse ya zintu kunselelo mu Shreveport, Louisiana, United States, U.S.A.” Ba kali kuba aco a televizhioni, ya ceeco ncobakali kucita, ikuti na Muuya Uusalala wakali kukonzya kweendeleza kumaninide.

<sup>138</sup> Nkaambonzi Ta citi? Ula yanda. Uli libambilide. Ula lindila. “Ee,” yebo wati, “Nda ka Mu lomba zintu zinji loko, Ndila bijilwa ku Mu lomba maningi.” Amulombe kunji, kuti lutangalo lwanu luzule!

<sup>139</sup> Sa inga mwezeezya kaswi kaniini, kalamfu ku cisela ca inchi, akati ka Pacific, kwaamba kuti, “Ncibotu ndacesya kunywa maanzi aya, Inga aakumana, buzubabumwi?” Sa inga mwayeeya mbeba niini kujatikizya *ayo* matala mapati, ncobeni amu Egepita, kuyeeya kuti, “Njo lipa buyo nseke yomwe abuzuba, nkambo inga Nda maninwa kabutana kusika butebuzi butobela”? Oh, ma! Lino amudivaide eco ku mabbilioni ali mwaanda, eyo nje nzila mbo cili citete kumanizya luse lwa Leza a luzyalo a nguzu kuli ndinywe, ikuti na muyo cisyoma buyo, inga walileka buyo lwako. . . Ee, Nda usa kuti Ndi. . . nkuti, to konzyi ku Mu sungilizya.

<sup>140</sup> Ngu kasensa katamani ka Buumi Butamani, awa sunumasiku ku kutondezya cisyomezyo cimwi ca Buleza ica Bbaibbele Lyakwe, kuli umwi uyo Li syoma. Ameni. Iyi, munene. I cintu buyo nco cita nkunywa. Amuboole ku kasensa a kunywa. Amunye kusikila muka kkutile. To konzyi ku Mu manizya. Peepe, munene. Takwe bumanizye ncobeni, alimwi ula konzya kunywa a kunywa a kunywa. Inga wanywa kuponesegwa kwako mukati. Inga wanywa lufutuko lwako mukati. Boola buyo unywe. “Aleke oyo ufwide nyota aboole kunywa.” Ameni. Ndi—Ndi—Ndi—Ndi lizi kuti Mpali ano, alimwi Ndi lizyi Uyo cita cakwiindilila, cakuvulisya ikuti na tuyo Mu lekela buyo kucicita.

<sup>141</sup> Nda bona buyo cintucimwi cacitika. Elyo Nse—Nse yandi kotalika musyobo umwi wa miswaangano, nywebo mwabona, ya zilengaano, nkaambo Ndi—Ndi kanana makani aa cintucimwi



cimbi. Mwabona, Nda ambaula kujatikizya nduwe kuboola, kutali kuponesegwa kwa kunyama, pele kuboola ku—ku . . . Mbo bainkila buyo kucita ceeco, lino eco buyo . . . Mwabona, Mbwe kainkila buyo kuya kupumuna lwangu mpawo, ku tantamuka, cintu citaanzi nywebo mulizi, bantu bakajata, nywebo mulizi, ula cimvwa eco kacinjila.

<sup>142</sup> Awa, Nda konzya ku mwaambila. Oyo muntu ukkede kusule okuya, amujwa wakwe musankwa ujisi kasolo ako kabi. Ikuti na uyo syoma, Leza uyo muponya a kumubamba kuba kabotu. Sena ula syoma kuti inga Wa muponya a kumubamba kuba kabotu? [I mukwesu waamba, “Ameni.”—Mul.] Ikuti na wacita, ee mpawo Leza uyo cicita. Mwabona? Mbombubo ncobeni. Ameni.

<sup>143</sup> Ngooyu mwaalumi uukkede mpoonya awa, ulangide nkoonya kuli ndime. Walo ukombela mukwasyi wakwe. Tazwi kokuno ncobeni. Walo uzwa ku South Carolina. Ba. Dixon. Pele ikuti na uyo syoma a moyo wakwe oonse, Leza uyoopa cilongezyo eco kuli nguwe. Sena ula cisyoma, munene? Ndili mweenzu ncobeni kuli nguwe. Nse na mubona, mu buumi bwangu. Ameni. Nse na mubona, mu buumi bwangu.

<sup>144</sup> Pele mwabona eco nce Ndi pandulula? Ino ncinzi? “Mbobuti eco mbo cibeleva, Mukwesu Branham?” Cindi Mukwesu Branham nakonzya kuzwa mu nzila! Iiyi, munene. Cindi Nda konzya kuzwa mu nzila, mpawo Jesu Kristo waboola mukati.

<sup>145</sup> Buyo acimbi, nkonya kuzwa kuli nguwe, kuli mwaalumi umbi wajata Mulilo, alimwi uzwa ku South Carolina, awalo. Mbo mbubo. Nda Ci bona kacilengelela nkoonya kuli nguwe. Obo mbombubo ncobeni. Uli mukukombela mukwesu oyo cakolwa. Mbo mbubo ncobeni. Amuswiilile. Uli Mukwesu Holmes. Sena mula syoma kuti Leza. . . Sa eelyo nde zina lyako? Leza ulapanga. . . Leza uyo cipa kuli nduwe.

Sena mwabona eco nce Ndi pandulula? “Ciindi comwe cimbi, Mwami, lomwe alubo!”

<sup>146</sup> Atwi imikile ku matende esu, nyoonse. Koopolola, ba Pentekoste, amutambike maanza anu, “Acimbi ciindi, Mwami! Acimbi ciindi, Mwami, acimbi ciindi!” Aleluya! Tee ndazyi cakucita, pele Cili waano. Atu ompolole, a kuzuminana komwe, “Acimbi ciindi, Mwami!” Ko coopolola, “Acimbi ciindi, Mwami! Acimbi ciindi, Mwami! Ciindi comwe cimbi, Mwami, tuma Nguzu Zyako, kotuma zileleko Zyako. Kotuma Muuya Uusalala aali ndiswe, mbuli guwo lyuungisya lyanguzu, a kuzuzya buntu boonse buli mukati muno, bupya.” Bulemu kuli Leza! Ko cisyoma a moyo wako oonse. “Ciindi comwe cimbi, Mwami, lomwe alubo!” Aleluya!

<sup>147</sup> Kakoledwe Muuya! Ikuti na Muuya Uusalala wakonzya kutila muli nduwe kusikila wa kolwa loko kuti ula luba zina lyako mbolibede, kusikila waluba kuzumbauzya kwako koonse; wakolwa kapati a Muuya kusikila waluba kuzumbauzya

kwako, ameni, mpawo inga wasika kumwi a Leza. Mpawo koompolola kuti, “acimbi ciindi,” kotanta kuzwa kukusinizya, elyo mpawo umwi aumwi. Aleluya! Kazwide a Muuya Uusalala, aba bakoledwe aa Muuya; Bululami bwa Leza a busalali, a nguzu, ula kukolwa loko mane wa luba obo mbobede. Toli cintu, ku kutalika. Amuyeeye, Leza uyanda kunjila muli nduwe. “Acimbi ciindi, Mwami, acimbi ciindi! Acimbi ciindi, Mwami acimbi ciindi!”

<sup>148</sup> Oh, Pentekoste, Pentekoste, ko zuzila buumi bwako! Kuli buyo ciindi ciniini cisyeeede. Nkumuka kwiinda mbo yeeya. Ikuti na Nse amba bbala limbi kuzwa ku cikambaukilo eci, amuyeeye, amu zuzile buumi bwanu! Nkumuka kwiinda mbo muyeeya. Nda mvwa Muuya Uusalala aali ndime, kaamba, “Ko caamba alimwi.” Ko zuzila buumi bwako! Nkumuka kwiinda mbo yeeya.

<sup>149</sup> Acimbi ciindi, Mwami, acimbi ciindi kozuzya Life Tabernacle kulelesya Buumi Butamani, membala aumwi omuno. Elyo kolekela Bulemu bwa Mwami buwide aa mbunga eyi, Mwami Jesu. Aleluya! Aleluya! Ndila musyoma Leza. Acimbi ciindi, Mwami, acimbi ciindi kuti lekela bantu bali lube kuti mbaani. Lekela bantu balube kutasyoma kwabo, cakuti inga twa ompolola kuti, “Acimbi ciindi, Mwami, acimbi ciindi!”

Sena mula Mu yanda? [Mbunga yaamba, “Ameni.”—Mul.]

<sup>150</sup> O Leza, Taata Wakujulu, kotupa lubukulusyo mu buntu bwesu, Mwami. Tula bona i—i—i malampi alasuka, Mulilo aa cipaililo ula mwaika. O Mwami Leza, kolanga ansi aa cisi caka singanisigwa cibi, pele, Mwami, uta lubi bantu Bako. Bantu okuno balwanina kwa myaka, Mwami, kuyakila Nduwe obu buvubi buniini. Life Tabernacle ya kayakwa, Mwami, nkambo ii—ii kakuba citishini caku futwida myuuya, ya lubukulusyo. O Leza, acimbi ciindi kotila Nguzu Zyako Zisalala muli njiyo. Fumpa membala onse, gwisya kwiimpana konse. Kotuma ansi mvula ya Mulilo Uusalala wa Leza a kuyasya buntu bwesu, Mwami, antoomwe a Busyu bwa Jesu Kristo. Akube kuti bantu bata bbili loko mu kutasyoma, cakuti inga babona kuti Uli waano andiswe; alimwi Uli Ijwi, a Sikutweluka wa miyeeyo ya moyo, mbuli Bbaibbele mbo lyaka tondezegwa loko kuli ndiswe, kuloolola alimwi. Mwami Leza, atu sinsimuke ku magano esu, aa Muuya wa Leza kuba aakati kesu. Ko cipa, Taata. Nda cituula kuli Nduwe, a lwangu. Ameni.

<sup>151</sup> Mukwesu, mucizi, Ta ndizi, mu Bbaibbele lyangu, ca cintu cimbi cili coonse Leza nca kasyomezya kucita kakutanaba Kukwempwa kwa Mbungano. Nse citi. Mu yeeya caando ca munyama, ciboola; Nda kamwaambila, cili, baka citambula kale. Mwabona? I cintu citobela cisyeeede nca Kukwempwa kwa Mbungano. Inga caboola kufumbwa ciindi, alimwi kuta ingainga Lugwalo lumwi mu Bbaibbele, kuciimo Mbwe cizi. Leza ulizi

kuti obo mbwini. Iiyi, munene. I ciindi cili afwaafwi. Nkumuka kwiinda mbo tuyeeya.

<sup>152</sup> Atu jale meso esu, a kwiimba, *Nda Mu Yanda*. Ndiza, ikuti na tuyo komba a ku Mu lumbaizya, ambweni Uyo cita cintucimwi. Nda kakomba mvwiki eyi yoonse, kubona kupasukila mu cikombelo eci. Nda kakomba ka Ndi tana boola kuno. Ndi jisi bantu bakombela ceeci. Oh, kuli—kuli mupailo ucitika nkambo ka ceeci. Ndi sola kusyoma a moyo wangu oonse. Atu sinsimuke, cakubinda ncobeni. Atu Mu kombe buyo a ku Mu lumbaizya, mbuli mbo tuyiimba eno a meso eesu kajalidwe a maanza esu kuli Leza.

Nda Mu yanda, Nda Mu yanda  
Nkaambo Wa kasaanguna kundi yanda  
A kuula lufutuko lwangu  
Aa cisamu ca Kalivari.

<sup>153</sup> Lino kuciindi no twiimba kampango katobela, kusukana maanza a muntuumwi mumsi lyako, munyoko Munakristo wako, kwaamba, “Leza aku longeye,” lino kuciindi notu iimba.

Nda Mu yanda, Nda . . .

Ikuti na mula yandana, tamu konzyi kulitantamuna ku kuyanda Leza.


Nkaambo Wa kasaanguna . . .

. . . ? . . .

. . . lufutuko  
Aa Kalivari ya . . .

<sup>154</sup> Lino atwaambe, “Aleluya!” “Aleluya!” Ko caamba alubo, “Aleluya!” Alubo, “Aleluya!” Alumbwe Leza wesu!

Nda Mu yanda, Nda Mu yanda  
Nkaambo . . .

Mukwesu Don, wali bambila na? 

63-1201E Acimbi Buyo Ciindi, Mwami  
Cikombelo Ca Life  
Shreveport, Louisiana U.S.A.

CHITONGA

©2022 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)